

四庫未收書輯刊編纂委員會編

四庫未收書輯刊

北京出版社

柒輯・貳拾捌冊

四庫未收書輯刊

四庫未收書輯刊編纂委員會編

北京出版社

柒輯・貳拾捌冊目錄

樂志堂詩集四卷〔清〕李明整撰

一

思居堂集十三卷首一卷〔清〕喬于洞撰

八七

徵緯堂詩二卷〔清〕顧貞觀撰

一七五

窺園稿六卷〔清〕賀振能撰

二二三

海陽紀略二卷〔清〕廖騰燧撰

三六七

似齋詩存六卷〔清〕王廷燦撰

四七五

杞田集十四卷〔清〕張貞撰

五三三

〔清〕李明螯撰

樂志堂詩集四卷

清康熙李宗渭刻本

樂志堂詩集舊序

北遊草序

天下魁奇才智文章之士無不畢集京師故或裹糧繭足獻書闕下次則作為詩賦文辭要眇鬼神鏗鏘金石游大人以成名所謂爭名者於朝也客有哂之者曰皆非也士之有言者將以言志而明道也非謂其媒交游弋聲利也當其被褐巷處胸中廓如天地萬物不足以撓之故含風咀雅嘲豪傑而昵公卿今使之攘攘於

樂志堂詩集

舊序

車塵馬足之間逐逐於王公貴人之側其所為者又不過贈頌祝餞之章寥寥則狂悖詹詹則囁嚅其稍愛文字者又喜後進為夸詞譽已士不得不以是應之志不得宣而道不得直以我一人性情之所寄藉為交游聲利之雉羔一人譽則色喜一人毀則氣喪其與古詩人之義何如也施子聞之瞿然曰有是哉子之言近道也余將焚筆硯矣禾中李子山顏魁奇才智文章之士也閩粵吳楚燕齊無所不遊遊必有紀其

來燕也負天下之望而篤好者副都御史曹公

秋嶽曹公去則端坐僧廬間出而與施子輩遊又有楚人王山長失志公車放浪不羈余益收為忘形交而山顏又相得甚歡年相伯仲余嘗呼為大小山嗟乎以山顏之才傾動名公卿間而其朝夕游者乃淹蹇齟齬之人宜其鬱鬱不得志也而其詩益富倘所謂言志而明道者耶客以余言為然遂書之為李子詩序愚山施閨章

樂志堂詩集

舊序

旅吟序

山顏之以詩文名世十五年於茲矣其卷帙幾與身等藉令早懸國門必有浦長源走千里而頰首者乃渡江以來殘芬餘馥大半冷於秦烟矣當年蓮社鞠為茂草千里攜家入灞陵而作五噫山顏與余朝夕共之既而賦北風之章攜手至閩馬首間關古之伯桃角哀雪中生死者惟我與爾差不寂寞然山顏甫卸擔簦所至引重蒲繡且屢下焉余以驢塵從事泡影李約之

與韋三同官主客矣一日山顏謂余曰紳紱夢耳豈以今日瘞筆焚硯邪登樓八咏曾幾許共索筍中山顏得三首半余亦僅多四首半因拍掌作五十步之笑嗟乎一行作吏投刺傳呼能盜我兩人鉞砭鼓吹之精神以去安用此累若為哉回憶清嗜堂酣花酌月日拈無題詩從我所好愉快何等方期金石好友共掩雲關乃余復入樊籠三年簿書如坐春冰其於嘯咏一事譬彼鍾儀在晉不知鼓琴為何物山顏曰何自

樂志堂詩集

舊序

三

詒伊戚也處則為遠志出則為小草我其梅福曼倩乎遨遊三山從事於郊寒島瘦詩篇遂多余僅從郵筒中得誦澄江佳句耳今夏山顏芒屨筇杖跚跚至止聯牀夜話猶是越聲也出其旅吟兩卷示余其悽惋則老婦琵琶聞者為之掩涕也其激楚則儋耳夔州市簫燕筑見者為之裂眚迴腸也其膾炙人口則康樂詩成都門競寫也嗚呼以山顏之才之識含毫作高文典冊磨墨作草檄飛書且出相如枚臯上乃葩落

不偶徒流連於淒風冷月間將莫邪用補履明鏡用蒸食山顏其窮矣然而良玉之色炊三日而不變三秀之芝非腐壤所能埋山顏亦何恨乎異時山顏曰五畝暫成終老計一枝新掃舊巢痕招隱成矣余亦曰故園叢桂依然在今日河花此地香唾壺缺矣願把臂而入林傷有志而未逮惟有坐卧旅吟慨當以慷而已柯山同學弟徐國章

南遊草序

樂志堂詩集

舊序

四

歲丁亥閩方用兵余檄諸郡縣司鐸其勤課士益絃誦聲亦銷氛助也一日玉禾先生執所課業進望其丰采心異焉訊之乃余流離三吳時聞諸名士所嘖嘖李子山顏也余顧謂學使閔公曰枳棘豈鸞鳳所棲耶閔曰山顏為家白于典閩試時所得士天下才也遂進而語詩為文字交山顏于余詩多怪少可而山顏有所作輒示余獨許為知己蓋意氣相得也方閩初平趨功名者如鷺山顏已授粵李力請改教高致已

不可及而城守最久禦寇活人多異績廣文先生顧能若此余以是益奇山顏也山顏不樂仕嘗示余詩有歸去還嫌彭澤遲之句時以病肺乞歸余未之許而余今先行矣嗚呼人之相知貴相知心余之知山顏固不獨以詩也而結契始於詩殆不能忘焉且即以詩論山顏豈猶夫人之為詩乎哉因書數言於南遊草以為別遼

東佟國鼎

閩中草序

樂志堂詩集

舊序

五

禾興李山顏先生者白雪為姿嵇叔夜風塵之外青山有主謝幼輿丘壑之中縹緲高天爰下山陰之權飄蕭玄度來為海嶠之遊惟此名邦于焉嘉客訪少和於玉甌留海外日月之觀弔子晉於簫泉壯筆底烟霞之氣扶筇顧盼晉家城闕依然握管縱橫帝子河山可託登樓作賦千秋烈士之心去郡題詩一日幽人之跡雜花競發總是芝蘭好鳥羣飛何慙鸚鵡僕枯骨未埋愁腸屢斷偶然躡屩欲問耕雲何意問闕乃

悲失路桃花流水相逢命渡之人叢桂小山竟是同車之侶大雅未散古處相期此日東海之東幸以林泉供我他年北山之北母令鵲鶴笑人戊戌九日白門社弟張遼書於千樹芙蓉之下

渡江草焚餘序

嘉興有李子石友山顏者奇士也余總角時耳其名丙戌歲乃幸與山顏同門於仲朗王夫子余方事制舉業初不曉詩也則從山顏論文蓋

樂志堂詩集

舊序

六

歡甚既而山顏冒干戈歸故里歸不十日六尺難容復挾長鋏走榕城坐余西窗下余時方孤憤牢愁日綴楚騷數種剪燭吟哦得山顏至益歡甚則從山顏論詩山顏曰惜哉微子言詩言詩乃使我心痛余弱冠從事聲律初學為李長吉盧玉川之詩鏤心劇目佶屈聲牙絕不道人間一字者五六年已而棄去悉取向所為者焚之去為孟襄陽王輞川之詩幽折自喜又好為杜少陵之悲壯淋漓以感發時事羈跡三衢久

而成帙自經兵燹玉石俱焚矣嗚呼余之詩始而自焚之繼而兵火之所餘有幾持此將安歸乎今當爲子朗吟一過盡付之丙丁已耳即出破橐中數紙行間朱墨與蠹篆蟲涎之跡相雜瑩然余得受而讀之曰噫嘻子誤矣夫人窮年著書即當時知之道之猶莫必後之傳如韓昌黎之銘樊紹述言其詩文不下千首皇甫湜之悲周子桑謂其具書在側今乃無一歌一咏傳者後之傳不可必獨不宜留之自今乎兵戈翳

地此身亦偶然不可留之身此詩乃不可不留也即異日著書等身然欲爲酉戌時一字一句終不可得菊籬三徑嘯傲南窗可使榕城以前無詩乎山顏曰諾微子言詩百年之後幾灰我心此真爨桐之餘矣然而余甚愧中郎也三山年門弟曾燦垣

山顏與余定交江上歷茲數年蓋風雨不離晦明無間矣今夏會驪武歸自漳渠三人時得倡和竊喜吾道之不孤而逆旅中每酒酣耳熱一

讀山顏之詩則不知涕泣哀怨之何從也余因叩其疇昔所作山顏曰余取而焚之殆什之九矣余曰片鱗足以嘗鼎一斑可以窺豹子即錄其未焚者以志少壯時胸次激昂之槩山川跋涉之勞友朋遇合之樂使傳之於後不亦可乎夫士不得志不得致高文典冊聲在廟堂而生平所寄之歌咏者或伸紙疾書或苦吟至嘔心絡血諒皆非無爲而作而一旦蹤視之宜有所弗忍也山顏以余言爲然於是簡其零落都爲

一編顏曰然餘而刻之西陵同學弟趙明鑣司馬長卿以文章橫行一世而歸臥茂陵僅著封禪一書足千古矣左太冲構三都賦垂十年而後成極數陳之麗詞家能事於此焉畢信乎才之難也海內聞山顏姓氏有年余嘗讀其選書及所著詩古文集擅雕龍繡虎之長流連風雅高岑以上王孟以下殆超乘而逸矣方其擢管經思應有五丁巨靈爲之開山通道深崖篠峭不能喻其奇滄溟渟泓不能喻其遠而又擬

堅於金比潤於玉渡江數卷其亦富於長卿封
禪乎左氏且讓能矣山顏何忍焚乎哉吾儕隱
顯一轍出處有時山顏行以和始之音賡颺懋
隆燮諧元氣余且拭目覲猷為矣社弟劉禴拜
手題

廣陵襍咏題詞

吾友山顏禾中耆宿久擅詩名比客維揚寓居
北郭其地為士女冶游所必經籬外簫鼓畫船
往來如沸而山顏日負手哦詩其中若在深山

樂志堂詩集

舊序

九

遂谷凡遇良友之過從佳辰之談讌事有足存
輒依韻次第以七絕紀之踰月而三十韻已畢
取而讀之已往之景物情事歷歷目前後之視
之固當不殊少陵之同谷秦州青蓮之敬亭秋
浦也夫負腹兒賈人子享王侯之奉而十指如
椎不解抒寫十年以還踪跡不能自憶無論他
人吾曹雖復困頓乃得藉三寸不律俾雪泥鴻
爪留髣髴於千載豐此嗇彼理有固然明於斯
義亦可無致嘆於文章九命矣濟南同學弟王

士祿拜題

萬里詩序

論者謂太史公南游江淮上會稽探禹穴歷九
疑沅湘北涉汶泗而文益曠李太白馳齊魯燕
趙西踰郛岐久於梁入吳上秋浦臥廬山迨流
夜即而洞庭巫峽足跡徧焉而詩益豪然則天
下佳山水果為詩文助哉余謂昌黎未嘗無文
登華嶽則輒慟桑苧翁闔門著書而行吟中野
不越茗溪是在人宜丘壑非丘壑宜人也如必

樂志堂詩集

舊序

十

游焉有得久游焉久有得恐年不給足足不給
目雖懷五嶽之興終負八州之愧安能息沉默
貫鴻濛與若士共此樂乎顧余間事行役遇勝
地即無勝具有勝情往往吮毫抹楮積句囊中
時出以示山顏山顏曰我知子游於游亦游於
無游子非不好游者余今三入閩矣老於閩閩
猶我土也惟是西江南粵楚徧洛中屨登所及
記諸篇章以名萬里游可乎余讀之悲涼峭拔
真為巨觀如匡廬瀑如洞庭波如登庾嶺如入

梁園良嶽壯哉斯游山水何幸遇有此人或以
萬里少之是猶織者引經緯而侈尋丈耕者伸
阡陌而誇頃畝也亦何知山顏包舉六合囊括
九垓壤蟲而笑黃鵠深目玄準之士所不取也
同里姻盟弟蔣薰題於南邨之申庵
題南北游草

詩卷非無託茫茫看陸沉大江南北路五畝歲
時心諫艸還山秘芒屨憶荔深千刪將半篋遺
事不堪吟族孫良季

樂志堂詩集

舊序

十一

歸邨草序

吾讀山顏歸邨草而知山顏知易之道者也易
之有旅也人所不能無也然旅不可極極則變
旅之象為火山火變而水則旅之蹇矣山變而
澤則旅之睽矣故夫人終其身役役於旅而忘
其歸者未聞道者也山顏老於旅矣旅於遊旅
於宦而皆以詩寫其旅之情紀其旅之事而旅
中所遇景物所與友朋所歷歲月一一於詩述
之蓋旅吟之集一而再再而三矣雖然山顏老

於旅非欲以旅老者也旅而歸歸而復旅誠有
甚不得已焉者逮幡然決計歸臥花邨將以終
其身焉而後桑田十畝老屋數間始為山顏行
吟坐嘯地矣十年以來所作詩所由以歸邨名
也嗟乎人生鹿鹿輪鞅間其於家鄉之情事景
物邈不相涉友朋不復同游歲月亦非我有撫
心自問能不慨然若山顏可謂知道者矣予又
思旅之義外卦為離離麗也麗於外者旅之象
也內卦為艮艮止也止於內者歸之象也山顏

樂志堂詩集

舊序

十二

老於旅而不欲以旅老得所止也歸邨之樂與
予同之流連是集山顏謂予可言詩乎予則與
山顏言易矣同里盟弟王庭

長水之南梅會里李氏聚族居焉嘉靖以後登甲
榜者二人名位未顯而國子博士伯遠兩淮都轉
運使元白以鄉科負詩名元白交尤廣早見知于
王尚書元美元美有詩贈之及宰如臯多惠政士
民爭為立碑頌德其書縣志旣而遊葉進卿郭美
命之門東林諸公比之顏及迨崇禎初海內文學
之士舉復社以應東林于時李君山顏年尚少與
兄石友青來兄子曉令均入于社李氏之門才盛
矣梅會多詩人即闌閨間案必有吟稿作者旣衆

樂志堂詩集

序

一

每一篇出四方輒相傳誦時則山陰梅市祁氏昆
友舅甥亦交相酬和捺奇觚者目曰浙東西二梅
山顏壯歲館三衢流轉閩嶠以鄉貢署古田儒學
教諭比還里葺故宅曰蓼園教其諸子其詩歌取
自娛恒與舊雨往還不隨同里諸子講風格故詩
名或隱或顯特為曹侍郎潔躬所賞激余旣避地
長水偕山顏比隣而居嘗以中秋曹侍郎招飲湖
上分韵賦詩山顏詩成有幾人能及故園秋之句
四坐咸歎其工蓋山顏于詩不費矜鍊而豐華安

雅身雖不遇初無怨誹之言斯名在鉤黨終克遠
徇非明哲之士與詩凡四卷子琇歲弄孫宗渭開
雕同里金子晉民選擇而存之者也南書房舊史
朱彝尊序

樂志堂詩集

序

二

夢園李先生所為詩舊刻于閩中者為渡江草蓀
餘為旅吟初編二編其未刻者為南游草為閩中
草官玉田時所作又有廣陵雜咏有勞勞亭畔草
有北游草有萬里詩皆解組後游歷所作也既而
倦游杜門則有歸邨草合計可得數千首晚年益
刻意精進手定諸編都為一集曰樂志堂詩集其
間去取殆相半焉蓋一生精力所萃在是矣而是
集以先生捐館時雜選中不戒眩篋竟失去長君
蕭山學博琇恨藏弄之弗謹痛先業之就湮摻錄

樂志堂詩集

序

一

遺亡積累已可成帙或得之敝簾或得之四方所
鈔寄或得之僧寮驛舍間嗚呼失之之易求之之
難也刻而傳之維亟矣而琇方有事楚中謬以校
訂之任再拜而屬之介復次君我郊官涼州家書
至每以是諄命其子宗渭成之於是相與校訂去
其重複其有改本互異者決擇於竹垞朱先生朱
先生固風雅之宗又曩與先生詩文投契能識先
生意指之所歸也朱先生嘗言往者倡謝先生有
幾人能及故園秋之句合坐咨嗟今此詩已不存

則知殘篇斷簡流落人間者正多也茲集編次已
不能考其歲月維是古體今體以類相從分為四
卷計五百六十有七首授之梓人嗚呼先生一生
精力所萃庶幾不盡泯滅而得以少見於世以傳
於後也已先生同懷兄石友先生有歡歌集諸稿
燬於火嘗聞前輩稱其負幹畧尚氣節詩亦如其
人乃求其片言不可得同祖兄青來先生以宦遊
死於粵遺集無一存者惟卓珂月古今詞統中刻
阿那曲一闕每誦吹盡蘋香不見人繞塘寒月鵲

樂志堂詩集

序

二

鵲語之句輒想見其風涼而已嗚呼兩先生之集
之不得什一存也今者先生之集之刻雖未為完
書以視兩先生其為幸不幸何如也先生諱明
字山顏夢園其號也浙之嘉興人康熙歲在著雍
攝提格橘如之月既望通家子金介復拜書

樂志堂詩集目錄

卷一 古體詩

黃鵠吟

南歸喜章六象見過別後卻寄

登鹿鳴山有懷家青來霖叔東宣

紀夢

上佟大中丞

榕旅嘆

江上吟

樂志堂詩集 目錄

悲黃鳥

哀青艸

卷二 今體詩

出門

繇前溪步入天池訪韋劍威六象

七里灘用錢柏園舊韻

小竿曉發

南浦同徐文匠

建州送家維昭還枯蒼

軍中夜歎

錢江

初入玉禾

飲徐鳴玉寄園同修眉校書看荷

自建州歸途中作二首

亭步驛夜雨

繇巖上至困關

送鄭詩言同年歸江都

湖市晚眺次徐文匠韻

樂志堂詩集 目錄

元夕飲魯惟闇同年枕清閣

登北高峯

酬徐青巖天馭顧伊藩見懷

問柳堂偕趙珍留夜話達曙得潘唯之見貽

和韻作

聞牧雲和尚歸古南喜而有寄

自仙陽至石門

家青來霖叔送別江干

蘭江

雨中葉柯玉攜酌徐文匠清嗜堂并送柯玉

之荆溪

風阻

夕陽

江行同祝茹穹

胡豹生孫若虞建州祖別

潑江歸櫂

客舍夢偕徐文匠胡則先清嗜堂話舊

小閣

樂志堂詩集

目錄

三

西禪寺訪宗寶和尚

過困溪得門人丁元闢書

陸驤武見貽市簫錄答之

玉禾病中

夏日喜錢柏園入閩見訪

莆陽曉發

楓亭驛用王非涔原韻卻寄

同安病中得櫟園先生書用朱晦翁韻

芋江聽雨

白沙雨泊

乞歸

清明曉發

虛舟

嚴陵道中

富春

吳門道中

上海同張悅九訪鐸菴上人

臘月毘陵道中立春

樂志堂詩集

目錄

四

懷遠留贈汪丈

端午後一日阻正陽關

潁川道中避暑艸菴

陳州雨次

黃河舟次遇同年鄭詩言

南陽有感

濟寧夜泊同嚴覽民飲計甫草舟中即事

端午日曹秋嶽先生以寄俞右吉詩屬和

九日飲王山長齋同朱天慶程子周用高字

送秋嶽先生之東粵

得蔣丹崖書卻寄

風阻峽江

苦雨

憶巢松園寄黃浮

臨清舟中見白髮而作

秦淮湖憶明遠姪

風阻燕子磯遇蒲菴和尚

吳城阻雪

樂志堂詩集 目錄

五

彭澤縣

南昌舟中臥疾作

吉安舟次

次新淦縣

上灘

過習靜菴

燭山

觀音巖

保昌即事

南安值沈贊之同歸次韻二首

玉山道中

過三衢喜遇彭于民

東甌秋仲慰張瑤星病起和萬開來觀察韻

懷蔣丹崖令伏羌用留別原韻

松陵雪

宿北關得徐文匠書

登天池山絕頂二首

洛中初度

樂志堂詩集 目錄

六

三衢喜晤彭于民

長安月夜

新霽山行

烏龍潭

徐文匠署中話舊

婺州

湯陰留別韓壽山

河北除夕飲家素園署中

秋日有中州之役適秋嶽先生歸自揚州話

別

渡江至烏衣鋪宿

清流關

雨中臨淮縣渡河

滎陽道中

虎牢關

汜水道中

龍門

自安陽至湯陰

樂志堂詩集

目錄

七

謁比干墓偕許不棄作

松陵道中

鶯脰湖市樓晚望有以蔬果見餉者賦此

花朝雨

曉發太湖

古城

耳聾次杜韻

復入仙霞關

軍中喜龔在田仲震首驤至自吳

山中奉寄王仲朗座師

蔣孟胡送別江上

建廷道中

贈張將軍

錢柏園入閩話舊

雨飲

送家匡侯同年北歸

憶夢

酬屠闇伯見懷

樂志堂詩集

目錄

八

送同年童木有歸甬東

病夜

嚴陵道中

采石道中

中秋夜鄆城舟中

過武城

燕市夜歎

將至德州

廣陵送家素園同年北上

湖上重晤周櫟園先生和龔芝麓先生蚤春

送歸白下韻四首

英德見紅葉

羊城逢故人胡豹生

南安夢亡姪曉令

送禪侶歸雙峯同釋照如林文侯作

懷丹崖久留伏羌仍用留別原韻

越中寄祝牧雲和尚七十

客湯陰飲韓壽山署中

樂志堂詩集

目錄

九

懷州病中吳準菴明府書三至自洛陽兼貽

獲藥而作

鄰竹

久雨

老去

可惜二首

獨坐

南州小飲和曹秋嶽先生韻同余澹心俞右

吉

雨中送蔣丹崖之仙都

雨後同周青士訪繆天自邨居

賦得王摩詰句

虞生見訪感舊

坐談黃浮巢松園留詩

閩中許有介自燕過訪

種菊

南昌午日和楊心易

哭同社王雲淦

樂志堂詩集

目錄

十

觀瀾菴訪懸崖和上同徐皆山

喜俞右吉過

明遠姪病中見投以詩次韻答之

依錢仍始韻咏玉扶桑

哭朱方菴司理二首

剖雪和尚攜詩見訪

竹下

和王言遠秋夕韻

閱武魯黔游草